

六度集經卷第五

萬五

吳天竺三藏法師康僧會譯

忍辱度無極第三萬石凡十
三章

忍度無極者厥則云何菩薩深惟衆生識神
以癡自壅貢高自大常欲勝彼官爵國土六
情之好已欲專焉若覩彼有愚即貪嫉貪嫉
處內瞋毒外施施不覺止其爲狂醉長處盲
冥矣展轉五道太山燒煮餓鬼畜生積苦無
量菩薩覩之即覺悵然而歎衆生所以有亡
國破家危身滅族生有斯患死有三道之辜

皆由不能懷忍行慈使其然矣菩薩覺之即
自誓曰吾寧就湯火之酷薌醢之患終不恚
毒加於衆生也夫忍不可忍者萬福之源矣
自覺之後世世行慈衆生加已罵詈捶杖奪
其財寶妻子國土危身害命菩薩輒以諸佛
忍力之福除滅恚毒慈悲愍之追而濟護若
其免咎爲之歡喜

昔者菩薩覩世穢濁君臣無道背真向邪難
以道化故隱明滅影處于塚間習其忍行塚
間有牛犢子常取其屎尿以爲飲食延其軀

命暴露精思顏類醜黑人皆惡焉國人覩之更相告曰斯土有鬼見者靡不唾罵土石擲之菩薩無絲髮之恚慈心愍曰痛夫斯人不覩佛經而爲斯惡誓曰吾獲爲如來無所著正真覺道者必度茲焉菩薩法忍度無極行忍辱如是

昔者菩薩厥名曰啖常懷普慈潤逮衆生悲愍羣愚不覩三尊將其二親處于山澤父母年者兩目失明啖爲悲楚言之泣涕夜常三興消息寒溫至孝之行德芳熏乾坤地祇海

龍國人普知奉佛十善不殺衆生道不捨遺守貞不要身禍都息兩舌惡罵妄言綺語諧謗邪僞口過都絕中心衆穢嫉恚貪饕心垢都寂信善有福爲惡有殃以草茅爲廬蓬蒿爲席清潔無欲志若天金山有流泉中生蓮華衆果甘美周旋其邊夙興採果未嘗先甘其仁遠照禽獸附恃二親時渴啖行汲水迦夷國王入山田獵彎弓發矢射山麋鹿誤中啖胷矢毒流行其痛難言左右顧盼泣涕大言誰以一天殺三道士者乎吾親年耆又俱第五

失明一朝無我普當殞命抗聲哀曰象以其牙犀以其角翠以其毛吾無牙角光日之毛將以何死乎王聞哀聲下馬問曰爾爲深山乎答曰吾將二親處斯山中除世衆穢學進道志王聞啖言哽噎流淚甚痛悼之曰吾爲不仁殘夭物命又殺至孝舉哀云奈此何羣臣巨細莫不哽噎王重曰吾以一國救子之命願示親所在吾欲首過曰便向小徑去斯不遠有小蓬廬吾親在中爲吾啓親自斯長別幸卒餘年慎無追戀也勢復舉哀奄忽而

絕王逮士衆重復哀慟尋所示路到厥親所王從衆多草木肅肅有聲二親聞之疑其異人曰行者何人王曰吾是迦夷國王親曰王翔茲甚善斯有草席可以息涼甘果可食吾子汲水今者且還王覩其親以慈待子重爲哽噎王謂親曰吾覩兩道士以慈待子吾心切悼其痛無量道士子啖者吾射殺之親驚怛曰吾子何罪而殺之乎子操仁惻蹈地常恐地痛其有何罪而王殺之王曰至孝之子實爲上賢吾射麋鹿誤中之耳曰子已死將

何恃哉吾今死矣惟願大王牽吾二老著子
屍處必見窮沒庶同灰土王聞親辭又重哀
慟自牽其親將至屍所父以手著膝上母抱
其足嗚口吮足各以一手捫其箭瘡椎曾搏
頰仰首呼曰天神地神樹神水神吾子暎者
奉佛信法尊賢孝親懷無外之弘仁濁逮草
木又曰若子審奉佛至孝之誠上聞天者箭
當拔出重毒消滅子獲生存卒其至孝之行
子行不然吾言不誠遂當終沒俱爲灰土天
帝釋四天大王地祇海龍聞親哀聲信如其

言靡不擾動帝釋身下謂其親曰斯至孝之
子吾能活之以天神藥灌暎口中忽然得蘇
父母及暎王逮臣從悲喜交集普復舉哀王
曰奉佛至孝之德乃至於斯遂命羣臣自今
之後率土人民皆令奉佛十德之善修暎至
孝之行一國則焉然後國豐民康遂致太平
佛告諸比丘吾世世奉諸佛至孝之行德高
福盛遂成天中之天三界獨步時暎者吾身
是也國王者阿難是暎父者今吾父是母者
吾母舍妙是天帝釋者彌勒是也菩薩法忍

度無極行忍辱如是

昔者菩薩時爲梵志名羼提和處在山澤樹下精思以果泉水而爲飲食內垢消盡處在空寂弘明六通得盡知之智名香熏聞八方上下十方諸佛緣一覺道應儀聖衆靡不咨

第五

嗟梵釋四王龍神地祇朝夕肅虔又手稽首稟化承風擁護其國風雨順時五穀豐熟毒消灾滅君民熾盛其王名迦犁入山田獵馳逐一鹿尋其足跡歷菩薩前王問道士獸跡歷茲其爲如行乎菩薩默惟衆生擾擾惟爲

身命畏死貪生吾心何異哉吾儻語王虐殺不仁罪與王同儻云不見吾爲欺矣中心恧然低首不云王即怒曰當死乞人吾現帝王一國之尊問不時對而佯低頭乎其國名帰手爪曰不善薩惆悵掃手爪曰不乎示王以爲不見曰獸跡歷茲而云不見王勢自在爲不能戮爾乎菩薩曰吾聽王耳王曰爾爲誰耶曰吾忍辱人王怒拔劍截其右臂菩薩念曰吾志上道與時無諍斯王尚加吾刃豈況黎庶乎願吾得佛必先度之無令衆生効其

為惡也王曰若為誰曰吾忍辱人又截其左手一問一截截其脚截其耳截其鼻血若流泉其痛無量天地為之震動日即無明四天大王僉然俱臻同聲恚曰斯王酷烈其為難萬五齊謂道士曰無以汙心吾等誅王及其妻子并滅一國以彰其惡道士答曰斯何言乎此五殃由吾前世不奉佛教加毒于彼為惡禍追猶影之繫形矣昔種之少而今獲多吾若順交流曰吾有慈母之哀今其信現於茲民都弘信靡不稟化欣懌而退菩薩有弟亦覩道跡處在異山以天眼徹視覩天神鬼龍會議王惡靡不懷忿懼兄有損德之心以神足之兄所曰有所中傷乎答曰不也爾欲照吾信

灾滅疫而斯極愚之君不知臧否不明去就惡加于聖惟願聖人無以吾等報上帝也菩薩答曰王以無辜之惡痛加吾身吾心愍之猶慈母之哀其赤子也黎庶何過而怨之耶假有疑望爾捉吾斷臂以來民即捉之乳漚交流曰吾有慈母之哀今其信現於茲民都弘信靡不稟化欣懌而退菩薩有弟亦覩道跡處在異山以天眼徹視覩天神鬼龍會議王惡靡不懷忿懼兄有損德之心以神足之兄所曰有所中傷乎答曰不也爾欲照吾信

取斷手足耳鼻著其故處復者即吾信矣弟續之即復兄曰吾普慈之信于今著矣天神地祇靡不悲喜稽首稱善更相勸導進志高行受戒而退自斯之後日月無光五星失度妖怪相屬枯旱穀貴民困怨其王也佛告諸比丘時羼提和者即吾身是弟者彌勒是王者羅漢拘隣是菩薩法忍度無極行忍辱如是

昔者菩薩生於貧家貧家不育以毘裏之夜無人時默置四衢并錢一千送著其首國俗

以斯日爲吉祥之日率土野會君子小人各以其類盛饌快樂梵志觀戲讚會者曰嗟乎今日會者之別有如粒米純白無糅厥香苾分若夫今日產無男女貴而且賢座中有理家獨而無嗣聞之默喜令人四布索棄子者使問路人曰覩有棄兒者乎路人曰有獨母萬五取焉使人尋之得其所在曰吾四姓富而無嗣爾以兒貢可獲衆寶母曰可留錢送兒從欲索貨母獲如志育兒數月而婦妊娠曰吾六以無嗣故育異族天授余祚今用子爲以毘

裹之夜著坑中家羊日就而乳牧人尋察覩兒即歎曰上帝何緣落其子于茲乎取歸育之以羊漚乳四姓覺知詰曰緣竊漚乎對曰吾獲天之遺子以漚育之四姓悵悔還育數月婦遂產男惡念更生又如前以斃裹之著車轍中兒心存佛三寶慈向其親晨有賚人數百乘車徑路由茲牛蹟不進賚人察其所以覩兒驚曰天帝之子何緣在茲乎抱著車中牛進若流前二十里息牛停側有獨母白賚人乞曰以兒相惠濟吾老窮即惠之矣母

育未幾四姓又聞愴然而曰吾之不仁殘天德乎又以衆寶請兒歸家哽噎自責等育二兒數年之間觀兒之智奇變縱橫惡念又生曰斯明溢度吾兒否哉必虜之矣斃裹入山姑著竹中絕食必須兒興慈念曰吾後得佛必濟衆苦矣山近溪水兒自力搖從竹墮地展轉至其水側去水二十里有誓死人際葛五人取樵遙見小兒就視歎曰上帝落其子乎抱歸育焉四姓又聞厥恨如前以衆名寶請歸悲泣并敎書數仰觀俯占衆道之術過目

即能稟性仁孝言輒導化國人稱聖儒士雲
集父兇念生厥惡重前家以冶師去城七里
欲箠殺兒書勅冶師曰昔育此子子入吾門
疾疫相仍財耗畜死太卜占云兒致此灾書
到極憚投之火中訛命兒曰吾年西夕加有
重疾爾到冶師所諦計錢寶是爾終年之財
兒受命行於城門內覩弟與輩彈胡掉戲弟
曰兄來吾之幸矣爲吾復折兄曰父命當行
弟曰吾請行矣奪書之冶師所冶師承書投
弟子火父心忪忪而怖遣使索兒使覩兄曰

弟如之乎兄如狀對兄歸陳之父驛馬追兄
已爲灰矣父投躬呼天結氣內塞遂成廢疾
又生毒念曰吾無嗣已不用斯子爲必欲殺
之父有邸閣去國千里仍遣斯兒曰彼散吾
財爾往計校今與邸閣書囊藏蠟封爾急以
行書陰勅曰此兒到疾以石縛腰沉之深淵
兒受命稽首輕騎進路進路半道有梵志與
父遙相被服常相問遺書疏往來梵志有女
女旣賢明深知吉凶天文占候兒行到梵志
所居曰吾父所親梵志正在斯止謂從者曰

今欲過修禮之可乎從者曰善即過觀禮梵志喜曰吾兄子來便命四鄰學士儒生耆德雲集娛醺歡樂并咨衆疑靡不欣懌終日極夜各疲眠寐女竊觀男見其腰帶佩囊封之書默解取還省讀其辭悵然而歎曰斯何妖第五厲賊害仁子乃至斯乎裂書更之其辭曰吾年西垂重疾日困彼梵志吾之親友也厥女既賢且明可今任爲兒匹極其實帛娉禮豫好小禮大娉納妻之日案斯勑矣爲書畢間歸昇堂稽首妻尋再拜垂泣而進三步又拜關襍之明晨進路梵志衆儒靡不尋歎邸閣

得書承命具禮詣梵志家梵志夫妻議曰夫婚姻之儀始之於擇行問名占兆彼善禮備即吾許焉今現男不媒禮娉便臻豈彼將慢乎又退宴思曰男女爲偶自古然矣男賢女貞誠亦難值遂納禮會宗九族歎曰斯榮傳世納妻禮成邸閣馳啓四姓聞之結疾殊篤兒聞親疾哽噎而言天命難保猶幻非真梵志欲擇良日遣還菩薩內痛不從其室家馳歸昇堂稽首妻尋再拜垂泣而進三步又拜稱名曰妾是子男某妻親名妾爲某當奉宗

嗣箕箒之使盡禮修孝惟願大人疾瘳福臻
永保無終之壽令其展精獲孝婦之德四姓
結忿內塞而殞苦薩殯送慈惻追慕一國稱
萬五
孝喪畢修行馨薰十方佛告諸比丘童子者
吾身是也妻者爽夷是也四姓者調達是也
吾身是也妻者爽夷是也四姓者調達是也
菩薩法忍度無極行忍辱如是

九
昔有菩薩爲大國王常以四等育護衆生聲
動遐邇不歎懿舅亦爲王處在異國性貪
無恥以光爲健開士林歎菩薩懷二儀之仁
惠虛誣謗訕爲造詬端興兵欲奪菩薩國菩

薩羣僚僉曰吾寧爲天仁賤不爲豺狼貴也
民曰寧爲有道之畜不爲無道民矣料選武
士陳軍振旅國王登臺觀軍情狠流涕涕泗
交頸曰以吾一躬毀兆民之命國亡難復人
身難獲吾之道邁國境咸康將誰有患乎王
與元妃俱委國去舅入處國以貪殘爲政戮
忠貞進佞蠱政苛民困怨泣相屬思詠舊君
猶孝子之存慈親也王與元妃處于山林海
有邪龍好妃光顏化爲梵志訛又手箕坐垂
首靜思有似道士惟禪定時王覩心欣日採

果供養龍伺王出行盜挾妃去將還海居路由兩山陥道之徑山有巨鳥張翼塞徑與龍戰焉龍爲震雷擊鳥墮其右翼遂獲還海王採果還不見其妃悵然而曰吾宿行遺殃咎鄰臻乎乃執弓持矢經歷諸山尋求元妃覩有榮流尋極其源見巨獮猴而致哀慟王愴然曰爾復何哀乎獮猴曰吾與舅氏並肩爲王舅以勢強奪吾衆矣嗟呼無訴子今何緣翔茲山岨乎菩薩答曰吾與爾其憂齊矣吾又亡妃未知所之猴曰子助吾戰復吾士衆

爲子尋之終必獲矣王然之曰可明日猴與舅戰王乃彎弓搏矢股肱勢張舅遙悚懼旛佃逐馳猴王衆反遂命衆曰人王于妃迷在斯山爾等布索猴衆各行見鳥病翼鳥曰爾等奚求乎曰人王亡其正妃吾等尋之鳥曰龍盜之矣吾勢無如今在海中大洲之上言畢鳥絕猴王率衆由徑臨海憂無以度天帝釋即化爲猴身病疥癬來進曰今士衆之多其喻海沙何憂不達於彼洲乎今各使衆負石杜海可以爲高山何但通洲而已猴王即

封之爲監衆從其謀負石功成衆得濟度圍
洲累沓龍化毒霧猴衆都病無不仆地二王
悵愁小猴重曰今令衆瘳無勞聖念即以天
藥傳衆鼻中衆即奮鼻而興力勢踰前龍即
興風雲以壅天日電耀光海勃怒霹靂震乾
動地小猴曰人王妙射夫電耀者即龍矣發
矢除凶爲民招福衆聖無怨矣霆耀電光王
乃放箭正破龍曾龍被射死猴衆稱善小猴
拔龍門鑰開門出妃天鬼咸喜二王俱還本
山更相辭謝謙光崇讓會舅王死無有嗣子

臣民奔馳尋本舊君於彼山岨君臣相見哀
泣俱還并獲舅國兆民歡喜稱壽萬歲大赦
寬政民心欣欣含笑且行王曰婦離所夫隻
行一宿衆有疑望豈況旬朔乎還爾女宗事
合古儀妃曰吾雖在穢蟲之窟猶蓮居于淤
泥吾言有信第五地其拆矣言畢地裂曰吾信現
矣王曰善哉夫貞潔者沙門之行自斯國內
賈人讓利仕者辭位豪能忍賤強不陵弱王
之化也姪婦改操危命守貞欺者尚信巧僞
守貞于妃之化也佛告諸比丘時國王者吾

身是也妃者夷是舅者調達是天帝釋者
彌勒是也菩薩法忍度無極行忍辱如是

昔者菩薩身爲獮猴力幹妙輩明誓踰人常
懷普慈拯濟衆生處在深山登樹採果覩山
谷中有窮陷人不能自出數日哀號呼天乞
活獮猴聞哀愴爲流淚曰吾誓求佛惟爲斯
類耳今不出此人其必窮死吾當尋岸下谷
負出之也遂入幽谷使人負己攀草上山置

之平地示其徑路曰在爾所之別去之後慎
無爲惡也出人疲極就閑卧息人曰處谷飢

鐘今出亦然將何異哉心念當殺獮猴噉之
以濟吾命不亦可乎以石碓首血流丹地獮
猴卧驚起眩倒緣樹心無恚意慈哀愍傷悲
其懷惡自念曰吾勢所不能度者願其來世
常逢諸佛信受道教行之得度世世莫有念
惡如斯人也佛告諸比丘獮猴者吾身是也
谷中人者調達是也菩薩法忍度無極行忍
辱如是

昔者菩薩與阿難俱畢罪爲龍其一龍曰惟
吾與卿共在海中靡所不覩寧可俱上陸地

遊戲平答曰陸地人惡起逢非常不可出也
一龍重曰化爲小蛇耳若路無人尋大道戲
逢人則隱何所憂乎於是相可俱昇遊觀出
水未久道逢舍毒蛇覩覩兩蛇厭凶念生志

往犯害則吐毒喰沫兩蛇一蛇起意將欲以

威神殺斯毒蛇第五一蛇慈心忍而諫止曰夫爲
高士當赦衆愚忍不可忍者是乃爲佛聖真
之大戒也即說偈曰

貪欲爲狂夫 麽有仁義心 嫉妬欲害戒
惟默忍爲安 非法不軌者 內無惻隱心

慳惡害布施 惟默忍爲安 放逸無戒人
酷虐懷賊心 不承順道德 惟默忍爲安
背恩無反復 虛飾行詭僞 是爲愚癡極
惟默忍爲安

一蛇遂稱頌忍德說偈陳義一蛇敬受遂不
害蛇一蛇曰吾等還海中可乎相然俱去則
奮其威神震天動地興雲降雨變化龍耀人
鬼咸驚蛇乃惶怖屍視無知七日絕食佛告
諸比丘爾時欲害蛇龍者阿難是也說忍法
龍者吾身是也舍毒蛇者調達是也菩薩所

在世世行忍雖在禽獸不忘其行也菩薩法忍度無極行忍辱如是

摩天羅王經

昔者有國名摩天羅王名難學通神明靡幽

萬五

不覩覺世非常曰吾身當朽爲世糞壤何之

十三

可保捐榮棄樂服大士之法服一鉢食爲足

稟沙門戒山林爲居積三十年樹邊有坑坑深三十丈時有獵者馳騁尋鹿墮于坑中時有烏蛇各一亦驚俱墮焉體皆毀傷俱亦困矣仰天悲嘆有孤窮之音道士愴然火照見

之涕泗交頸臨坑告曰汝等無憂吾將拔汝重難即作長繩懸以登之三物或銜或持遂獲全命俱叩頭謝曰吾等命在轉瞬道士仁惠弘普無量令吾等得覩天日願終斯身給衆所乏以微報重萬不塞一道士曰吾爲國王國大民多宮寶殊女諸國爲上願即響應何求不得吾以國爲怨窟以色聲香味華服邪念爲六劍截吾身六箭射吾體由斯六邪輪轉受苦三塗酷烈難堪吾甚厭之故捐國爲沙門願獲如來無所著正真道最正

覺道法御天人師開化羣生令逮本無豈但
汝等三人而已乎各還舊居見汝所親令三
自歸無違佛教矣獵者曰處世有年雖覩儒
士積德為善豈有若佛弟子怒已濟衆隱處
而不揚名者乎若道士有之願至吾家乞微
供養烏曰吾名鉢道士有難願呼吾名吾當
馳詣蛇曰吾名長若道士有患願呼吾名必
來報恩辭畢各退他日道士之獵者舍獵者
遙覩其來告妻曰彼不祥之人來吾勑汝為
饌徐設之彼過日中即不食矣妻覩道士勃

然作色訛留設食虛談過中道士退矣還山
覩烏呼名曰鉢烏問曰自何來耶曰獵者所
來烏曰已食乎曰彼設未辨而日過中時不
應食故吾退耳烏曰凶咎之魁難以慈濟違
仁背恩兇逆之大吾無飲食無以供養留心
坐斯吾須臾還飛之般遮國入王後宮覩王
第五
夫人臥首飾之中有明月珠烏銜馳還以奉
道士夫人寐寤求之不獲即以上聞王勑臣
民有得之者賞金銀各千斤牛馬各千首得
不貢者罪重滅宗道士惠獵者獵者縛而白

之王曰汝從誰得斯寶乎道士深惟以狀言
之即一國烏皆死矣云道得之斯非佛弟子
也默然受拷杖楚千數不怨王不讐彼弘慈
誓曰令吾得佛度衆諸苦矣王曰取道士埋
之惟出其頭明日戮焉道士乃呼蛇曰長蛇
曰天下無知我名者惟有道士耳揚聲相呼
必有以也疾邁見道士若茲叩頭問曰何由
致此道士具說厥所由然蛇流淚曰道士仁
如天地尚與禍會豈況無道誰將祐之乎天
仁無怨斯王惟有太子一人無他儲副我將

入宮斷殺太子以吾神藥傳之即瘳蛇夜入
宮斷之即絕停屍三日令曰有能活太子者
分國而治載之山間當大葬之行經歷道士
邊道士曰太子何疾而致身喪乎且無葬矣
吾能活之從者聞說馳以上聞王心悲喜重
更哀慟曰吾赦爾罪分國爲王道士以藥傳
第十五
身太子忽然興曰吾何緣在斯乎從者具陳
所以太子還宮巨細喜舞分國惠之一無所
受王悟曰分國不受豈當盜哉問子何國人
以何見爲沙門乎何從獲珠行高乃然忽離

斯患將以何由道士本末陳焉王爲愴然涕淚流面王告獵者曰子有功勲於國悉呼九親來吾欲重賜之親無巨細皆詣宮門王曰不仁背恩惡之元首盡殺之矣道士入山學道精進不倦命終生天上佛告諸比丘時道士者吾身是也鳥者鶯鷺子是蛇者阿難是獵者調達是其妻者懷粹女子是也菩薩弘仁度無極行忍辱如是

槃達龍王經

昔者拘深國王名抑迦達其國廣大人民熾

盛治國以正不枉兆民王有子二人一男一女男名須達女名安闍難執行清淨王甚重之爲作金池二兒入池浴池中有龜龜名曰金瞽一眼亦於水戲觸二兒身兒驚大呼王則問其所以云池中有物觸怖我等王怒曰池爲兒設何物處之而恐吾兒令施眾取之鬼龍奇怪趣使得之眾師得龜王曰當作何殺之羣臣或言斬首或言生燒或言剗之作羹一臣曰斯殺不酷惟以投大江中斯所謂酷者也龜笑曰惟斯酷矣惟斯酷矣王使投

之江中龜得免喜馳詣龍王所自陳曰人王
抑迦達有女端正光華天女爲雙人王乃心
區區大王欲以女結爲援親龍曰汝誠乎龜
曰唯然爲龜具設盛饌皆以寶器龜曰早遣
賢臣相尋吾王欲得其決龍遣賢臣十六從
第五
龜至人王城下漸中龜曰汝等止此吾往上
十六
聞龜遂遁邁不復來還十六臣惶愧俱入城
見王王曰爾等來爲龍對曰天王仁惠接等
二人男名槃達龍王死男襲位爲王欲捨世
榮之穢學高行之志其妻有萬數皆尋從之
逃避幽隱猶不免焉登陸地於私梨樹下隱
吾王欲以貴女爲吾王妃故遣臣等來迎王
怒曰豈有人王之女與蛇龍爲偶乎龍對曰

大王故遣神龜宣命臣等不虛來王不許之
諸龍變化令宮中衆物皆爲龍耀達王前後
王懼叫喚羣臣驚愕皆詣殿下質問所以王
具說其狀衆臣僉曰豈可以一女之故而亡
國乎王及羣臣臨水送女遂爲龍妃生男女
二人男名槃達龍王死男襲位爲王欲捨世
榮之穢學高行之志其妻有萬數皆尋從之
逃避幽隱猶不免焉登陸地於私梨樹下隱
形變爲蛇身蟠屈而卧夜則有燈火之明在
彼樹下數十枚矣日日雨若干種華色耀香

美非世所覩國人有能厭龍者名波圖入山求龍欲以行乞覩牧牛兒問其有無兒曰吾見一蛇蟠屈而卧於斯樹下夜樹上有數十燈火明輝曇華下若雪色耀香美其爲難喻吾以身附之亦無賊害之心術士曰善哉獲吾願矣則以毒藥塗龍齒牙齒牙皆落以杖捶之皮傷骨折術士自首至尾以手捋之其痛無量亦無怨心自咎宿行不工乃致斯禍誓願曰令吾得佛拯濟羣生都使安隱莫如我今也術士取龍著小篋中荷負以行乞勾

第五回

十七

每所至國輒令龍舞諸國羣臣兆民靡不懼之術士曰乞金銀各千斤奴婢各千人象馬牛車衆畜事各千數每至諸國所獲皆然轉入龍王父之國其母及龍兄弟皆於陸地求之化爲飛鳥依傍王宮術士至龍王化爲五頭適欲出舞而見其母兄妹羞鄙逆縮不復出舞術士呼之五六龍遂頓伏母復爲人形與王相見陳其本末王及臣民莫不舉哀王欲殺術士龍語之曰吾宿行所種今當受報無宜殺之以益後怨從其所求以施與之弘

慈如斯佛道可得也王即以異國爲例具其

所好悉以賜之術士得斯重寶喜以出國於他國界逢賊身見菹醢財物索盡龍母子與王決別若大王念我呼名吾則來無顛頓矣王遠臣民臨渚送之一國哀慟靡不躋踊者

也佛告諸比丘槃達龍王者吾身是也抑迦

達國王者阿難是也母者今吾母是也男弟者鶩鷯子是也女妹者青蓮華除馑女是也

時酷龍人者調達是也菩薩弘慈度無極行忍辱如是

雀王經

昔者菩薩身爲雀王慈心濟衆有尚慈母悲彼難苦情等親離覩衆稟道喜若已寧愛育衆生猶護身瘡有虎食獸骨挂其齒病困將終雀覩其然心爲悲楚曰諸佛以食爲禍其

第十五

十八

果然矣入口啄骨日日若茲雀口生瘡身爲瘦疵骨出虎鯀雀飛登樹說佛經曰殺爲兇虐其惡莫大若彼殺已豈悅之乎當恕已度彼即有春天之仁仁者普慈祐報響應兇虐殘衆禍尋影追爾思吾言矣虎聞雀戒勃然

恚曰爾始離吾口而敢多言乎雀覩其不可化愴然愍之即速飛去佛告諸比丘時雀者吾身是也虎者調達是也開士世世慈心濟衆以爲追務猶自憂身菩薩法忍度無極行恩辱如是

之裸國經

昔者菩薩伯叔二人各資國貨俱之裸鄉叔曰夫福厚者衣食自然薄祐者展于筋力今彼裸鄉無佛無法無沙門衆可謂無人之土矣而吾等往俯仰取其意豈不難哉入國隨

俗進退尋儀輒心言遜匿明佯愚大士之慮也伯曰禮不可虧德不可退豈可裸形毀吾舊儀乎叔曰先聖景則殞身不殞行式之常也內金表銅釋儀從時初譏後歎權道之大矣遂俱之彼伯曰爾先入觀其得失遣使告誠叔曰敬諾旬日之間使反告伯曰必從俗儀伯勃然曰釋人從畜豈君子行乎叔爲吾不也其國俗以月晦十五夜市爲樂以麻膏膏首白土畫身雜骨嬰頸兩石相叩男女携手逍遙歌舞菩薩隨之國人欣歎王愛民

第十九

十九

敬賓士相屬王悉取貨十倍顧之伯車乘入

國言以嚴法輒違民心王忿民慢奪財過捶叔請乃釋俱還本國送叔者被路罵伯者聒耳伯恥怒曰彼與爾何親與吾何讎爾惠吾奪豈非讒言耶結叔帶曰自爾之後世世相酷終不赦爾菩薩愴然流淚誓曰令吾世世逢佛見法親奉沙門四恩普覆潤濟衆生奉伯若已不違斯誓也自此之後伯輒剋叔叔常濟之佛告諸比丘時叔者是吾身也伯者調達是也菩薩慈忍度無極行忍辱如是

六年守飪畢宿罪經

昔者菩薩爲大國王歸命三尊具奉十善德被遐邇靡不承風兵刃不施牢獄無有風雨時節穀豐民富四表康休路無怨嗟華僞小書舉國絕口六度真化靡人不誦時有梵志執操清淨閑居山林不預流俗惟德是務夜渴行飲誤得國人所種蓮華池水飲畢意寤曰彼買此池以華奉佛廟水果自供吾飲其水不告其主斯即盜矣夫盜之爲禍先入太山次爲畜生屠賣于市以償宿債若獲爲人

當為奴婢吾不如早畢於今無愧後患矣詣
闕自告曰某犯盜惟願大王以法相罪畢之
於今乞後無尤王曰斯自然之水不寶之物
何罪之有乎對曰夫買其宅即有其井占其
田者即惜其草汲井刈葵非告不取吾不告

萬五
而飲豈非盜耶願王處之王曰國事多故且

二十
坐苑中太子令之深處苑內王事總猥忘之
六日忽然寤曰梵志故在乎疾呼之來梵志
守戒飢渴六日之王前立厥體瘦瘠起而捨
地王覩流淚曰吾過重矣王后笑之王遣人

澡浴梵志具設肴膳自身供養叩頭悔過曰
吾爲人君民飢者吾自飢寒者即衣單豈況
懷道施德之士乎一國善士之福不如高行
賢者一人之德國寧民安四時順穀豐穰非
戒之德其誰致之乎謂道士曰飲水不告罪
乃若此豈況真盜不有重咎乎以斯赦子必
無後患也梵志曰大善受王洪潤矣自斯之
後生死輪轉無際至臨得佛不食六年罪畢
道成俱夷自解羅云乃生太子棄國勤于山
林邪見之徒咸謂狂惑謗聲非一太子聞焉

忍斯辱謗追以慈濟福隆道成諸天雲集稽首承風帝王臣民靡不歸命佛告諸比丘時王者是吾身也夫人者俱夷是太子者羅云

是夫崇惡禍追施德福歸可不慎哉王忘道

士令餓六日受罪六年饑饉裁息六日之後

萬五

廿一

王身供養故今六年殃畢道成俱夷笑之今

其舌著於熱沙以牛耕上又以熱釘釘其五體求死不得惡殃若此慎行無邪善薩法忍度無極行忍辱如是

釋家畢罪經

昔者菩薩守戒行淨積功德遂獲爲如來無所著正真道最正覺遊處舍衛國天龍鬼神帝王臣民靡不師宗盡道邪術值佛景隆六年處于幽冥愚夫重闇不明去就以惡心向佛沙門梵志截手拔舌者斯一世之苦妄以手捶虛以口謗死入太山太山之鬼拔出

火邪黨構謀勸女弟子名曰好首以毀天尊國人未獲真諦者有沉吟之心疑諸沙門王

亦怪馬蠱道貪濁諍財相訴濁現禍歸即時
見廢貞真照現天人歎善王詣精舍頓首悔
過由斯王有慙心因媒啓問求佛女妹結婚
姻之固以絕釋家之怨衆祐曰吾去家爲沙
門不預世業嫁娶之事一由父王於是遣使
者致敬宣結親之辭諸釋不許王曰佛處其
國爾由往來明者無怨愚夫有讎女吾賤妾
之子何足以致恨乎王許曰可遂成婚姻有
男嗣一請見諸舅即之釋國時佛當還開化
諸釋諸釋欣欣興佛精舍掘土三尺以栴檀

香填之斂國衆寶爲佛精舍焜焜奕奕有若
天宮聲于鄰國靡不躍逸佛未坐之而庶子
入觀曰斯精舍之功衆珍之妙惟天帝天宮
可爲匹矣曰佛未翔茲吾一坐座沒命不恨
也庶子嬖友名曰頭佉摩對曰夫亦何失即
昇座矣釋氏雄士壯聲呵曰衆祐尊座天帝
不臨何婢子之敢昇坐乎裂座更興庶子出
第五
謂其友曰斯辱無外矣吾若爲王爾無忘茲
友曰俱然旋守其母欲爲太子母以妖蠱請
如子願王曰古來未聞無設狂言自招恥也

妖靈處內佞臣巧辭遂立二適分民正治大
王崩位立兩國民隨所悅仁凶分流仁即奉
兒凶馳詣叔友爲相國修治干戈軍用衆備
以舊事聞王曰可即寵雄將武士就路覩佛
邊道坐于半枯之樹王進稽首曰佛不坐純
生而處半枯將有由乎衆枯曰斯樹名釋吾
愛其名以仁道濟其難潤其枯惠其生也王
悵然內恥曰佛仁弘普惠逮草木豈況人乎
於是旋軍相國仰察天文覩釋氏宿福索禍
興後以聞之軍又出未至釋氏城有里數城

中弓弩矢聲猶風雨幢旛傘斷竿截升裂
鎧斬鞍士馬震奔靡不失魄王又奔歸釋人
啓佛當如賊何曰牢關門廢塗橋王又出軍
目連啓言吾欲以羅漢威神化爲鐵網覆城
面四十里王奈釋人何衆枯曰無奈罪何又
言掉著他方剝土曰無奈罪何目連言吾能
第五
攘有形無奈無形罪何衆枯曰種惡禍生孰
廿三
能攘之取釋氏一子置吾鉢下以効其實目
連如命釋諸耆舊承教守門魔化爲舊德呵
諸釋曰王假塗有所之爾其絕彼將益後試

佛弟子行可得爾乎魔奮勢拔鎗排門兵入
猶塘決水翻釋摩南爲大將軍與王先王同
師而學有死友之誓謂王曰住爾凶士一餐
之頃令城中人獲出全命王曰可大將軍臨
水向佛叩頭流泪而曰以吾微命請彼少入
願令十方群生皆奉佛教恕已濟衆潤合二
儀無爲狼蠍之毒殘賊衆生若斯無道之王

言梵皇帝釋四天大王皆叉手侍爲之痛心
釋人有自歸命三尊者誦經者起慈心者釋
有三城征事未畢王憶釋摩男殺身請衆命
爲之愴然旋師罷軍遣使者致敬曰士衆疲
勞還國息師異日束帶稽首足下佛教謝王
自愛使者退佛視之矣阿難整法服稽首曰
佛不虛視其必有緣衆祐曰釋罪畢也王罪
興矣却後七日太山鬼以火燒王及其臣民
王罪難救猶釋禍難禳矣佛使阿難舉鉢鉢
下人亦終佛將諸沙門至梵志講堂道經諸

釋死地或有已死或折臂脣者覩佛來或
搏頰呻吟云歸命佛歸命法歸命聖衆願十
方羣生皆獲永康莫如我等也時自然牀從
地出其地無間諸沙門皆坐佛言斯王勃逆
興罪弘廣矣又問沙門若見屠獵魚網者獲
萬五爲飛行皇帝乎對曰不見佛言善哉吾亦不
見以其無四等心惠彼羣生故也王行湖邊
衆入水浴神化爲毒蛇蟄其士衆毒行身黑
或於水中死者或百步一里死者且半入國
凶鬼雲集宮中夜時人聲物鳴聚居相持須

且爲命日月薄蝕星宿失度怪異首尾靡不
怨王也王聞佛戒火變之異內如湯灼遣使
者參其事佛說如上使反具聞國震瓦崩王
會臣議或言於山或於水者遂乘船入海強
富得從貧羸留國王內宮人登船上服望火
解衣脫陽燧珠著服上其日雲興壅壅曠曠
風雷陵陵窄絕舟漂臣民僉曰薨王行凶乃
致斯禍向中之時日出炎陽燧陽燧化爲火
始自王舟太山鬼神四集霹靂率土生入太
山地獄留在岸者微怖而全佛於是日興慈

心定諸沙門問阿難佛不出乎答曰一國大喪佛興慈定故爲不出也佛明晨出諸沙門稽首于地梵釋四王諸龍神鬼帝王臣民稽首就座阿難整衣服問二國禍變之源願釋衆疑令羣生照禍福所由佛告阿難昔有三國比鄰而王時佛去世久遠經典不修菩薩所處之國致有湖池獲魚無數近國聞喜賈誹謗三尊禍之大莫尚十惡福榮之尊夫惟十善矣殺物者爲自殺活物者爲自活勞心念惡口言惡身行惡莫若勞心念道口言道身行道施善福追爲惡禍尋猶響之應聲影之追形也覩斯變者慎勿違春天之仁而尚

別五

升五

得魚者今一城中人不知王來者是也我時見破魚首失言可之今已得佛爲三界尊尚不免首疾之殃豈況凡庶乎諸弟子端爾心興慈愍安羣生恕已濟彼慎無殺生盜人財物姪彼非妻兩舌惡罵妄言綺語嫉妒恚癡誹謗三尊禍之大莫尚十惡福榮之尊夫惟十善矣殺物者爲自殺活物者爲自活勞心念惡口言惡身行惡莫若勞心念道口言道身行道施善福追爲惡禍尋猶響之應聲影之追形也覩斯變者慎勿違春天之仁而尚

皆大歡喜稽首而去

六度集經卷第五

音釋